

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/74, 20.04.2022թ.

Շտկման ամսաթիվը՝ 25.04.2022թ.

Բողոք բերող անձ՝ «ԱԼՈՒՇ-ԱՐԱՔԱ» ՍՊԸ

Պատվիրատու՝ «Ճանապարհային դեպարտամենտ» հիմնադրամ

Գնման ընթացակարգի ծածկագիրը՝ ՃԴ-ՀԲՄԱՇՁԲ-2022/3Ա

Գնման առարկան՝ ավտոմոբիլային ճանապարհների վրա գտնվող՝ առանձին պահպանման հանձնվող թունելների պահպանման աշխատանքների ձեռքբերում

Բողոքի պահանջը՝ պարտավորեցնել ՃԴ-ՀԲՄԱՇՁԲ-2022/3Ա ծածկագրով գնման ընթացակարգի գնահատող հանձնաժողովին տրամադրել բոլոր արձանագրությունները և չկայացած հայտարարելու մասին որոշումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ֆ. ՄԱՆԳՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ գնումների հետ կապված բողոքներ քննող անձ
պարոն Լ. Օհանյանին**

Հասցե՝ ՀՀ, ք. Երևան, ՄելիքԱղայան 1,
ՀՀ ֆինանսների նախարարություն

Բողոք քերող՝ «ԱԼՈՒՇ-ԱՐԱՔՍ» ՍՊԸ

Հասցե (գտնվելու վայր)՝ ք. Սևան, Նաիրյան փ., շ. 143, բն. 13
Հեռ.՝ (+374) 94 22 42 22

Պատվիրատու՝ «Ճանապարհային դեպարտամենտ» հիմնադրամը

ՀՀ, ք. Երևան, Կառավարական տուն 3
Էլ. հասցե՝ mta@mta.gov.am

Գնման ընթացակարգի ծածկագիրը և առարկան՝

«Ճանապարհային դեպարտամենտ» հիմնադրամի կարիքների համար՝ ՀՀ միջպետական
և շանակության ավտոմոբիլային ճանապարհների վրա գտնվող՝ առանձին պահպանման հանձնվող
թունելների պահպանման աշխատանքների ձեռքբերման նպատակով կազմակերպված
«ՃԴ-ՀԲՄԱՇԶԲ-2022/3Ա» ծածկագրով հրատապ բաց մրցույթ

Բ Ո Ղ Ո Ք (շտկված)

- **Գործի հակիրճ նկարագրությունը և բողոքի փաստերը.**

✓ «Ճանապարհային դեպարտամենտ» հիմնադրամի կարիքների համար՝ ՀՀ
միջպետական և շանակության ավտոմոբիլային ճանապարհների վրա գտնվող՝ առանձին
պահպանման հանձնվող թունելների պահպանման աշխատանքների ձեռքբերման
նպատակով կազմակերպվել է «ՃԴ-ՀԲՄԱՇԶԲ-2022/3Ա» ծածկագրով հրատապ բաց մրցույթ
(այսուհետ նաև՝ Ընթացակարգ):

✓ Ընթացակարգի 1-ին մասի 1-ն բաժնի համաձայն՝ աշխատանքի տեխնիկական
բնութագրերը, ինչպես նաև մասնագիրը, տեխնիկական տվյալները և այլ ոչ գնային
պայմանների ամբողջական և համարժեք նկարագրությունը կազմում են կնքվելիք
պայմանագրի անբաժանելի մասը, որի նախագիծը ներկայացված է սույն հրավերի N 6
հավելվածում:

✓ Ընթացակարգի հրավերի 1.1 կետի համաձայն՝ գնման առարկա է հանդիսանում
«Ճանապարհային դեպարտամենտ» հիմնադրամի կարիքների համար՝ ՀՀ միջպետական
և շանակության ավտոմոբիլային ճանապարհների վրա գտնվող՝ առանձին պահպանման
հանձնվող թունելների պահպանման աշխատանքների ձեռքբերումը (այսուհետ՝ նաև
աշխատանք), որը խմբավորված է 3 չափաբաժնում՝

Չափարա ժինների համարները	Չափարածնի անվանումը
1	Մ-4 Երևան - Սևան - Իջևան - Ադրբեջանի Հանրապետության սահման միջպետական նշանակության ավտոճանապարհի կմ80+920 վրա գտնվող Դիլիջանի թունելի
2	Մ-3 Թուրքիայի Հանրապետության սահման - Մարգարա - Վանաձոր - Տաշիր - Վրաստանի սահման միջպետական նշանակության ավտոճանապարհի վրա գտնվող կմ137+100 Պուշկինի թունելի
3	Մ-7/Մ-3/ - Սպիտակ - Գյումրի - Թուրքիայի Հանրապետության սահման միջպետական նշանակության ավտոճանապարհի վրա գտնվող կմ4+500 Նալբանդի թունելի

✓ Ընթացակարգի հրավերի 5.3-րդ կետի համաձայն՝ եթե կնքվելիք պայմանագրի գինը կայուն է, ապա գնային առաջարկը ներկայացվում է մեկթվով՝ պայմանագրի կատարման համար առաջարկվող ընդհանուր գնով և համակարգում պարտադիր լրացվում է առանց Հայաստանի Հանրապետության պետական բյուջե վճարվելիք ավելացված արժեքի հարկի գումարի հաշվարկման:

✓ Ընթացակարգի հրավերի Հավելված 2-ի՝ գնային առաջարկի համաձայն՝ առաջարկվում է պայմանագիրը կատարել ներքո հիշյալ ընդհանուր գներով:

✓ Ընթացակարգի հրավերի Հավելված 6-ի՝ Պայմանագրի նախագծի 1.2-րդ կետի համաձայն՝ աշխատանքը կատարվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին, 22 տրանսպորտի և կապի նախարարի 2010 թվականի դեկտեմբերի 7-ի N 710-Ն որոշման համապատասխան, կատարման ժամկետ է սահմանվում մինչև 2026 թվականի դեկտեմբերի 31-ը ներառյալ:

✓ Ընթացակարգի հրավերի Հավելված 6-ի՝ Պայմանագրի նախագծի 7.16-րդ կետի համաձայն՝ 2023 և հաջորդող տարիներին աշխատանքները կկատարվեն ֆինանսական միջոցներ նախատեսվելու դեպքում՝ լրացուցիչ համաձայնագիր կնքելու միջոցով:

✓ Վերը նշված ընթացակարգին մասնակցության հայտ է ներկայացրել նաև «ԱԼՈՒՇ-ԱՐԱՔՍ» ՍՊԸ-ն:

✓ Ընթացակարգի գնահատող հանձնաժողովը 21.03.2022թ. բոլոր մասնակիցներին էլեկտրոնային նամակով տեղեկացրեց 28.03.2022թ. ժամը 11:00-ին հրավիրվողիք գների շուրջ միաժամանակյա բանակցությունների մասին /արտասպումը կցվում է/:

✓ Ընթացակարգի գնահատող հանձնաժողովի 28.03.2022թ. ժամը 11:00-ին հրավիրված նիստի ժամանակ՝ գների շուրջ միաժամանակյա բանակցությունների ընթացքում «ԱԼՈՒՇ-ԱՐԱՔՍ» ՍՊԸ-ի կողմից առաջարկվեց 645.000.000 ՀՀ դրամ՝ ներառյալ ԱԱՀ-ն, այսինքն յուրաքանչյուր տարվա համար 129.000.000 ՀՀ դրամ՝ ներառյալ ԱԱՀ-ն:

✓ Նույն նիստը ժամանակ, գնահատող հանձնաժողովը հայտարարեց, որ հաշվի առնելով այն հանգամանքը, որ Պատվիրատուի 2022թ. գնումների պլանով Ընթացակարգի 1-ին չափաբաժնի մասով սահմանված գումարը նախատեսված է 5 տարիների կատարվելիք աշխատանքների համար, իսկ բոլոր մասնակիցների կողմից առաջարկվող գնային առաջարկը գերազանցում է նախահաշվային գինը, ուստի գնահատող հանձնաժողովը որոշում կայացրեց չկայացած հայտարարել գնման ընթացակարգը:

✓ Ընթացակարգի գնահատող հանձնաժողովի 28.03.2022թ. հրավիրված գների շուրջ միաժամանակյա բանակցությունների նիստի արձանագրությունը և Ընթացակարգի 1-ին չափաբաժնի մասով, չկայացած հայտարարելու մասին որոշումը/հայտարարությունը, մինչ օրս www.gnumner.am կայքում հրապարակված չէ:

✓ «ԱԼՈՒՇ-ԱՐԱՔՍ» ՍՊԸ-ն 08.04.2022թ. էլեկտրոնային եղանակով դիմել է ընթացակարգի գնահատող հանձնաժողովին /ապացույցը կցվում է/ նիստի արձանագրությունը տրամադրելու խնդրանքով, սակայն արձանագրությունը մինչ օրս չի տրամադրվել:

• Գործի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ՝ նաև Օրենք) 3-րդ հոդվածի 2-րդ մասի համաձայն՝ գնումների գործընթացը իմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և յուրաքանչյուր կանխիկ մասերով կազմակերպում.

2)

պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ինչպես արդեն նշել ենք, Ընթացակարգի գնահատող հանձնաժողովը 21.03.2022թ. բոլոր մասնակիցներին էլեկտրոնային նամակով տեղեկացրեց 28.03.2022թ. ժամը 11:00-ին հրավիրվելիք գների շուրջ միաժամանակյա բանակցությունների:

Բողոքներ քննող անձին խնդրում ենք նկատի ունենալ, որ Ընթացակարգի գնահատող հանձնաժողովը խախտել է «Գնումների մասին» ՀՀ օրենքի 3-րդ հոդվածի 2-րդ մասի պահանջները, այն է՝ գնման գործընթացի թափանցիկության և հրապարակայնության սկզբունքը: Միևնույն ժամանակ, «Գնումների մասին» ՀՀ օրենքը նաև սահմանում է, որ գնահատող հանձնաժողովի նիստերի արձանագրությունները հրապարակվում են պաշտոնական տեղեկագրում՝ www.gnumner.am կայքում, նիստին հաջորդող աշխատանքային օրը:

Բողոքներ քննող անձին խնդրում ենք նկատի ունենալ, որ Ընթացակարգի գնահատող հանձնաժողովի 28.03.2022թ. հրավիրված նիստի արձանագրությունը մինչ օրս չի հրապարակվել պաշտոնական տեղեկագրում՝ www.gnumner.am կայքում, իսկ «ԱԼՈՒՇ-ԱԲԱՔՍ» ՍՊԸ-ն 08.04.2022թ. էլեկտրոնային եղանակով ներկայացրած դիմումը՝ նիստի արձանագրությունը տրամադրելու խնդրանքով, գնահատող հանձնաժողովի կողմից թողնվել է առանց արձագանք:

Վերոհիշյալ պայմաններում, երբ Ընթացակարգի գնահատող հանձնաժողովի համապատասխան նիստի արձանագրությունը չի հրապարակվել տեղեկագրում և չի տրամադրվել «ԱԼՈՒՇ-ԱԲԱՔՍ» ՍՊԸ-ին՝ վերջինիս գրավոր պահանջի հիման վրա, ՍՊԸ-ն փաստացիորեն զրկվել է 28.03.2022թ. նիստի ժամանակ Ընթացակարգի գնահատող հանձնաժողովի կայացրած որոշումները /այդ թվում նաև Ընթացակարգը՝ 1-ին չափաբաժնի մասով, չկայացած հայտարարելու մասին որոշումը/ բողոքարկելու հնարավորությունից՝ համապատասխան գրավոր ապացույցի բացակայության պայմաններում:

Ելնելով վերոգրյալից՝ գտնում ենք, որ Ընթացակարգի գնահատող հանձնաժողովը խախտել է «Գնումների մասին» ՀՀ օրենքի 3-րդ հոդվածի 2-րդ մասի, 7-րդ հոդվածի 1-ին մասի պահանջները:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ բողոքներ քննող անձին

ԽՆԴՐՈՒՄ ԵՄ՝

Պարտավորեցնել «ՃԴ-ՀԲՄԱՇՁԲ-2022/3Ս» ծածկագրով հրատապ բաց մրցույթ գնահատող հանձնաժողովին տրամադրել www.gnumner.am կայքում չրապարակված տվյալ ընթացակարգի բոլոր արձանագրությունները և ընթացակարգը չկայացած հայտարարելու մասին որոշումը/հայտարարությունը:

Կիցներկայացվում է՝

1. Պետական տուրքի վճարման անդորրագիրը:
2. «ԱԼՈՒՇ-ԱՐԱՔՍ» ՍՊԸ -ի տնօրեն Ս.Ստեփանյանի նույնականացման քարտի պատճենը:
3. Ընթացակարգի գնահատող հանձնաժողովի 18.03.2022թ. նիստի թիվ 7 արձանագրության պատճենը:
4. Արտատպում էլ. հասցեից՝ 2 հատ:

«ԱԼՈՒՇ-ԱՐԱՔՍ» ՍՊԸ տնօրեն



Ս.Ստեփանյան

25.04.2022թ.